


BOSNA I HERCEGOVINA  
FEDERACIJA BOSNE I HERCEGOVINE  
UNSKO-SANSKI KANTON  
VLADA UNSKO-SANSKOG KANTONA




BOSNIA AND HERZEGOVINA  
FEDERATION OF BOSNIA AND HERZEGOVINA  
THE UNA - SANA CANTON  
UNA-SANA CANTON GOVERNMENT

Broj: 03-017-1609//2017  
Dana, 17.11.2017. godine

SKUPŠTINA UNSKO-SANSKOG KANTONA

BOSNA I HERCEGOVINA  
FEDERACIJA BOSNE I HERCEGOVINE  
UNSKO-SANSKI KANTON  
SKUPŠTINA



PREDMET: Program rada Zavoda zdravstvenog osiguranja  
Unsko-sanskog kantona za 2018. godinu,  
d o s t a v l j a s e, -

Na osnovu člana 181. Poslovnika Skupštine Unsko-sanskog kantona („Službeni glasnik Unsko-sanskog kantona“, broj: 9/17), u prilogu vam dostavljamo Program rada Zavoda zdravstvenog osiguranja Unsko-sanskog kantona za 2018. godinu, uz sljedeće:

### O b r a z l o ž e n j e

Vlada Unsko-sanskog kantona je na sjednici održanoj dana 17.11.2017. godine, razmatrala i prihvatila Program rada Zavoda zdravstvenog osiguranja Unsko-sanskog kantona za 2018. godinu, predlagača Ministarstva zdravstva, rada i socijalne politike i obrađivača Zavoda zdravstvenog osiguranja Unsko-sanskog kantona, te vam isti dostavljamo na razmatranje.

PRILOG: Program rada ..... (6x)

Po ovlaštenju Vlade Unsko-sanskog kantona  
ministar Ministarstva poljoprivrede,  
vodoprivrede i šumarstva  
Dragan Polimanac, dipl. pravnik

UPRAVNI ODBOR

Na osnovu člana 26. Stav 1. alineja 3. Statuta Zavoda zdravstvenog osiguranja Unsko-sanskog kantona Bihac (Sl.glasnik US kantona broj:12/15 od 11.11.2015 godine), Upravni odbor Zavoda zdravstvenog osiguranja Unsko-sanskog kantona, na sjednici održanoj dana 26.10.2017 godine donio je

PROGRAM RADA  
ZAVODA ZDRAVSTVENOG OSIGURANJA UNSKO-SANSKOG KANTONA  
ZA 2018. GODINU

I. UVODNE NAPOMENE

Program rada obuhvata period 01.01. do 31.12.2018. godine, a programski poslovi i zadaci sistematizovani su prema vrstama i rokovima izrade.

Zavod zdravstvenog osiguranja Unsko-sanskog kantona Bihac u 2018. godini ce postupati u skladu sa nadležnostima utvrđenim propisima i to: Zaknom o zdravstvenom osiguranju, Zakonom o zdravstvenoj zaštiti, Statutom Zavoda i drugim propisima.

Zavod zdravstvenog osiguranja u okviru svojih redovnih aktivnosti vrši slijedeće poslove:

- provodi politiku razvoja i unapređenja zdravstvene zaštite,
- planira i prikuplja novčana sredstva obaveznog zdravstvenog osiguranja,
- obavlja poslove u vezi sa ostvarivanjem prava osiguranih lica, brine se o njihovom zakonitom i blagovremenom ostvarivanju te pruža stručnu pomoć osiguranicima,
- obavlja poslove ugovaranja sa zdravstvenim ustanovama,
- utvrđuje visinu naknade plaće za vrijeme privremene spriječenosti za rad preko 42 dana,
- provodi međunarodne ugovore o socijalnom osiguranju u dijelu koji se odnosi na obavezno zdravstveno osiguranje i vrši obračun dugovanja i potraživanja po ovom osnovu,
- obavlja poslove izrade podzakonskih i općih akata koji su vezani za ostvarivanje prava iz obaveznog zdravstvenog osiguranja,
- obavlja i druge poslove iz svoje nadležnosti

Zavod zdravstvenog osiguranja ce shodno Programu rada resoronog ministarstva, Programu rada Vlade i Programu rada Skupštine Unsko-sanskog kantona Bihac preduzimati neophodne aktivnosti u cilju potpunog i blagovremenog izvršenja Programa rada za 2018.godinu.

Zavod zdravstvenog osiguranja je obavezna institucionalno-organizaciona struktura koja obavlja poslove obaveznog zdravstvenog osiguranja kantonalnog nivoa sa pravima i obavezama, kao i odgovornošću koje su utvrđene Zakonom o zdravstvenom osiguranju, Odlukom o osnivanju Zavoda i Statutom Zavoda. Kao javna ustanova Zavod je osnovan Odlukom Skupštine Unsko-sanskog kantona donijete na sjednici održanoj dana 12.6.1998. godine. Organ upravljanja u Zavodu je Upravni odbor koji se sastoji od 9 članova. Zavodom rukovodi direktor. Upravni odbor i direktora Zavoda imenuje vlada Kantona, nakon provedene zakonske procedure. U skladu sa odredbama Zakona o zdravstvenom osiguranju u Zavodu je radi obavljanja poslova provođenja obaveznog zdravstvenog osiguranja, odnosno obavljanja normativno-pravnih, upravno-pravnih, analitičko-planskih, finansijsko računovodstvenih i drugih poslova osnovana Stručna služba Zavoda. Pravilnikom o organizaciji i sistematizaciji poslova i radnih zadataka u Stručnoj službi Zavoda utvrđeno je da se poslovi Zavoda obavljaju u okviru pet odjeljenja i osam Poslovnica po općinama USK-a. Ovim Pravilnikom sistematizirano je 112 radnih mjesta, a popunjeno 84 radna mjesta. Kadrovska struktura popunjenih radnih mjesta je slijedaća: VSS-35 (jedan sa 360 ECTS, jedan sa 300 ECTS, dvadeset i četiri sa 240 ECTS/VSS i devet sa 180 ECTS), VŠS- 2, SSS-44, KV-1 i NK-2 radnika. U Zavodu obavlja pripravnički staž, u skladu sa " Programom sufinansiranja zapošljavanja-Prvo radno iskustvo" 2017, 11 pripravnika sa visokom stručnom spremom.

Finansiranje obaveznog zdravstvenog osiguranja vrši se iz doprinosa i drugih sredstava utvrđenih zakonom i drugim propisima.

Iz sredstava obaveznog zdravstvenog osiguranja osiguranim licima obezbjeđuje se:

- zdravstvena zaštita primarnog nivoa, specijalističko-konsultativna i bolnička zdravstvena zaštita,
- ortopedska i druga medicinska pomagala,
- lijekovi koji se nalaze na listi lijekova koji se obezbjeđuju na teret sredstava zdravstvenog osiguranja,
- naknada plaće za vrijeme privremene spriječenosti za rad preko 42 dana, za lica osigurana po osnovu radnog odnosa.
- naknada putnih troškova u vezi s korišćenjem zdravstvene zaštite.

Tome dodajemo i činjenicu da je naplata doprinosa po konvencijama paušalne nadoknade za INO osiguranike neredovna iako je odredbom člana 29. Zakona o postupku zaključivanja i izvršavanja međunarodnih ugovora utvrđeno da ako domaće pravno lice ne izvrši svoje obaveze koje proističu iz međunarodnih ugovora koje je zaključila Bosna i Hercegovina, da će te obaveze izvršiti Bosna i Hercegovina ne teret onog entiteta na čijoj se teritoriji nalazi pravno lice. Ovakvo stanje otežava i činjenica da paket zdravstvenih prava, iako je na snazi, nije se počeo primjenjivati, jer nisu ispunjeni uvjeti za njegovu primjenu, a koji su utvrđeni u Paketu prvenstveno zbog toga što nije donijeta Odluka o finansiranju nedostajućeg dijela finansijskih sredstva za primjenu Odluke o utvrđivanju osnovnog paketa zdravstvenih prava pa Zavod će i u ovoj godini finansirati dostignuti nivo prava iz sredstava obaveznog zdravstvenog osiguranja.

Također treba napomenuti da je u toku projekat informatizacije primarne i sekundarne zdravstvene zaštite na Unsko sanskom Kantonu, a u toku je implementacija dva projekta:

- Projekat jačanja zdravstvenog sektora a koji se kordinira od strane Federalnog ministarstva zdravstva i
- Projekat nabavke medicinske opreme za zdravstvene ustanove u Unsko sanskom Kantonu a koja se kordinira od strane Kantonalnog ministarstva zdravstva.

U okviru projekata informatizacije na USK-u Zavod je finansirao i završio postupak eOsa i eRecepta te ugovorio održavanje postojećeg informacionog sistema, dok je postupak elskaznice u toku.

Zavod zdravstvenog osiguranja USK-a je i u postupku aplikacije za dobijanje sertifikata i akreditacije za kvalitet u zdravstvu preko Agencije za kvalitet i akreditaciju u zdravstvu u F BiH ( AKAZ ).

Isti ćemo da je Zavod izvršio procedure implementacije sistema upravljanja i kontrole ( FUK ) u skladu sa Zakonom o finansijskom upravljanju i kontroli te Pravilnikom o provođenju finansijskog upravljanja i kontrole u javnom sektoru F BiH.

## II.       NORMATIVNI DIO:

U okviru ovog programskog cilja Zavod će tokom 2018 godine uraditi slijedeće zadatke:

-Donijeti Pravilnik o antikorupciji u skladu sa ISO standardima

Rok za izradu; mart

Organ koji razmatra propis; Direktor, Upravni odbor.

-Donijeti Pravilnik o disciplinskoj i materijalnoj odgovornosti radnika u Zavodu zdravstvenog osiguranja USK-a

Rok za izradu; januar

Organ koji razmatra propis; Direktor

-Donijeti Odluku o obimu prava na korištenje ortopedskih i drugih pomagala, zubnoprortetske pomoći i zubnoprortetskih nadomjestaka koji se obezbjeđuju u Zavodu

Rok za izradu: mart

Organ koji razmatra propis: Direktor, Upravni odbor, Vlada i Skupština USK-a

-Donijeti Odluku o regulisanju Erecepta

Rok za izradu: januar

Organ koji razmatra propis: Direktor, Upravni odbor

-Donijeti Pravilnik o postupku direktnog sporazuma

Rok za izradu; januar

Organ koji razmatra propis; direktor

-Donijeti Pravilnik o procedurama i pravilima korištenja sigurnosti i zaštite podataka IT sistema  
Rok za izradu; mart  
Organ koji razmatra propis; Direktor

Donošenje gore navedenih Pravilnika ogleda se prvenstveno u realnim potrebama normiranja propisa koji su nedostojali ili se za istim ukazala potreba za revidiranjem i donošenjem odgovarajućih izmjena i dopuna. Poseban segment dat je na revidiranju postojeće Odluke o obimu prava na korištenje ortopedskih i drugih pomagala prvenstveno što su po prvi put aktivno u njenom donošenju putem svojih prijedloga i sugestija učestovala i osigurana lica kako individualno tako i putem udruženja čiji su članovi.

### III. TEMATSKI DIO:

U okviru ovog programskog cilja Zavod će tokom 2018 godine donijeti;

-Strateški plan Zavoda

Rok: januar

Organ koji razmatra odluku; Direktor, Upravni odbor

-Odluku o usvajanju godišnjeg i polugodišnjeg obračuna Zavoda

Rok: februar-jul

Organ koji razmatra odluku; Upravni odbor

-Godišnji izvještaj o finansijskom poslovanju Zavoda za 2017.godine

Rok: decembar

Organ kojim razmatra izvještaj; Upravni odbor, Vlada USK-a i Skupština USK-a.

-Izvještaj o radu odjeljenja za kontrolu

Rok: januar

Organ koji razmatra izvještaj; Direktor, Upravni odbor

-Informaciju o potrošnji lijekova koji se propisuju i izdaju na teret sredstava Zavoda zdravstvenog osiguranja USK-a kao i načinu njihovog propisivanja i izdavanja

Rok: tromjesečno

Organ koji razmatra informaciju; Upravni odbor

- Finansijski plan Zavoda zdravstvenog osiguranja za 2018. godinu

Rok: decembar

Organ koji daje saglasnost; Ministar finansija, Upravni odbor i Vlada USK-a

- Odluku o broju osiguranih lica

Rok: novembar

Organ koji donosi odluku; Upravni odbor uz prethodnu saglasnost Ministra zdravstva.

- Odluku o visini naknada i cijenama zdravstvenih usluga

Rok: novembar

Organ koji donosi odluku, Upravni odbor uz prethodnu saglasnost Ministra zdravstva.

-Program zdravstvene zaštite o pružanju zdravstvenih usluga iz obaveznog zdravstvenog osiguranja za 2018.godinu.

Rok: novembar

Organ koji razmatra program; Upravni odbor uz prethodnu saglasnost Ministra zdravstva.

-Godišnji i strateski plan kojim se uređuje obim i vrsta interne revizije tokom fiskalne godine

Rok:decembar

Organ koji donosi plan; Odjeljenje interne revizije, Upravni odbor.

-Donijeti Odluku o visini premije za 2018 godinu

Rok: decembar

Organ koji donosi odluku; Upravni odbor i Vlada USK-a.

-Izveštaj o radu drugostepene komisije Zavoda

Rok: decembar

Organ koji razmatra izvještaj; Direktor, Upravni odbor

- Donijeti Plan nabavki za 2018 godinu

Rok izrade; decembar

Organ koji donosi plan; Direktor, Upravni odbor

#### IV. KONTINUIRANI DIO:

U okviru ovog programskog cilja Zavod programira da će tokom 2018. godine uraditi slijedeće zadatke:

-Vršiti kontrolu pravilnosti propisivanja, izdavanja i korištenja lijekova koji se osiguranim licima obezbjeđuju na teret sredstava Zavoda

Rok: kontinuirano

-Vršiti kontrolu pravilnosti propisivanja, izdavanja i korištenja ortopedskih i drugih pomagala, zubnoprrotetske pomoći i zubnoprrotetskih nadomjestaka,

Rok: kontinuirano

-Vršiti kontrolu pravilnosti propisivanja privremene spriječenosti za rad osiguranih lica.

Rok: kontinuirano

S ciljem boljeg ostvarivanja prava iz obaveznog zdravstvenog osiguranja aktivno učestovati u radu sa Federalnim Zavodom zdravstvenog osiguranja i reosiguranja Federacije BiH na donošenju akata koji imaju za cilj poboljšanje nivoa dostignutih prava osiguranih lica.

Rok: kontinuirano


-Zaključiti ugovore o pružanju zdravstvene zaštite sa zdravstvenim ustanovama za kalendarsku godinu.

Rok: kontinuirano uz saglasnost Upravnog odbora

## V. ZAKLJUČNA RAZMATRANJA

Radi kvalitetnijeg rada Zavoda neophodno je insistirati na primjeni strategije razvoja zdravstva kao i planova zdravstvene zaštite a koje bi obuhvatile i definiranje mjera sa krajnjim ciljem otklanjanja slabosti zdravstvenog sistema i koje bi takođe rezultirale boljom efikasnošću zdravstvenih ustanova. Bilo bi neophodno utvrditi mrežu zdravstvenih kapaciteta u cilju racionalnijeg korištenja raspoloživih zdravstvenih resursa i na taj način razvoj kapaciteta usmjeriti i prilagoditi stvarim potrebama za zdravstvenom zaštitom, zatim napraviti plan potrebnih zdravstvenih radnika koji bi bio usklađen sa standardima potrebnih kadrova u zdravstvenoj zaštiti (posebno specijalista i subspecijalista). Nadalje veoma bitan segment radi kontrole izvršenih zdravstvenih usluga i općenito provođenja zdravstvene zaštite na našem kantonu je uspostavljanje zdravstveno-inspekcijskog nadzora.

Broj: 01-37-8071/17  
Datum: 26.10.2017.



PREDSJEDNIK UPRAVNOG ODBORA

*Asmir dr. Lepuzanović*  
Asmir dr. Lepuzanović  
Specijalista porodične medicine

## OBRAZLOŽENJE

### PRAVNI OSNOV

Pravni osnov za donošenje Programa rada Zavoda zdravstvenog osiguranja za 2018.godinu nalazi se u Odluci o metodologiji i rokovima za izradu programa rada, izvještaja o radu i drugih informativnih materijala koji se upućuju Vladi i Skupštini Unsko-Sanskog kantona („Sl.glasnik USK-a“ broj:3/05 i 18/09 ), kao i Programu rada Vlade i Skupštine Unsko-sanskog kantona za 2017.godinu.

### RAZLOZI DONOŠENJA

U skladu sa navedenom Metodologijom Program rada podjeljen je u pet dijelova i to uvodni, normativni, tematski i zaključna razmatranja.

U uvodu je dat sažet prikaz statusa i organizacijske uredenosti Zavoda, organi upravljanja i kadrovska struktura, te pobrojana prava osiguranih lica koja se finansiraju iz sredstava obaveznog zdravstvenog osiguranja, a obrazložen je i projekat informatizacije primarne i sekundarne zdravstvene zaštite koju Zavod sprovodi na USK-u.

Također je i prezentirano da je u toku postupak aplikacije Zavoda za dobijanje sertifikata i akreditizacije za kvalitet u zdravstvu u F BiH ( AKAZ ) te da je izvršen postupak implementacije sistema upravljanja i kontrole ( FUK ).

U normativnom dijelu Zavod je naveo odgovarajuće propise i akte koji su neophodni da budu doneseni odnosno revidirani prvenstveno sa jednim ciljem da se što efikasnije urede nedostajeci propisi ( Pravilnik o antikorupciji, Odluka o regulisanju Erecepta, Pravilnik o procedurama i pravilima korištenja sigurnosti i zaštite IT sistema ) odnosno da se otklone i prevaziđu postojeći nedostaci u propisima koji su na snazi ( Odluka o obimu prava na korištenje ortopedskih i drugih pomagala, Pravilnik o postupku direktnog sporazuma, Pravilnik o disciplinskoj i materijalnoj odgovornosti radnika).

U tematskom dijelu su pobrojane aktivnosti Zavoda vezane za kontinuirano donošenje Odluka, planova i izvještaja Stručne službe a koji se ogledaju u normativno pravnim, analitičko planskim, finansijsko računovodstvenim, kontrolnim i revizijskim poslovima a koji su usko vezani sa obavljanjem zadataka za provođenje obaveznog zdravstvenog osiguranja.( Finansijski plan Zavoda, Program zdravstvene zaštite, Naknade i cijene zdravstveni usluga, Plan nabavki, Visina premije itd. )

U kontinuiranom dijelu su opisane aktivnosti Zavoda vezane za vršenje kontrole propisivanja, izdavanja i korištenja lijekova, ortopedskih i drugih pomagala te privremene spriječenosti za rad osiguranih lica, i dat akcenat na zaključivanje ugovora sa zdravstvenim ustanovama za kalendarsku godinu i saradnju sa Federalnim zavodom zdravstvenog osiguranja i reosiguranja F BiH.

U Zaključnim razmatranjima je konstatovano šta je neophodno da bi Zavod na još boljem nivou funkcionirao (strategija razvoja zdravstva, uspostaviti mrežu zdravstvenih kapaciteta, uspostavljanje zdravstveno-inspekcijskog nadzora) a sve sa ciljem unapređenja zdravstvene zaštite za osigurana lica USK-a.


### FINANSIRANJE

Za provođenje ovog Programa nisu potrebna novčana sredstva Kantona.



MINISTAR  
dr. Hazim Kapić

BOSNA I HERCEGOVINA  
FEDERACIJA BOSNE I HERCEGOVINE  
UNSKO-SANSKI KANTON  
VLADA UNSKO-SANSKOG KANTONA



BOSNIA AND HERZEGOVINA  
FEDERATION OF BOSNIA AND HERZEGOVINA  
THE UNA - SANA CANTON  
UNA-SANA CANTON GOVERNMENT

Na osnovu člana 16. Zakona o Vladi Unsko-sanskog kantona („Službeni glasnik Unsko-sanskog kantona“ broj: 5/08), na prijedlog Ministarstva zdravstva, rada i socijalne politike, Vlada Unsko-sanskog kantona na sjednici održanoj dana 17.11.2017. godine donosi:

## ZAKLJUČAK

### I


Prihvata se Program rada Zavoda zdravstvenog osiguranja Unsko-sanskog kantona za 2018. godinu, broj: 01-37-8071/17 od 26.10.2017. godine, te se isti upućuje Skupštini Unsko-sanskog kantona na razmatranje.

### II

Ovaj Zaključak stupa na snagu danom donošenja.

Broj: 03-017-1609/2017  
Bihać, 17.11.2017. godine

Po ovlaštenju Vlade Unsko-sanskog kantona  
ministar Ministarstva poljoprivrede,  
vodoprivrede i šumarstva  
Dragan Polimanac, dipl. pravnik





Na osnovu čl. 98. Poslovnika Skupštine Unsko-sanskog kantona («Sl.glasnik Unsko-sanskog kantona» br.5/04), na prijedlog Vlade Unsko-sanskog kantona, Skupština Unsko-sanskog kantona, na sjednici \_\_\_\_\_ održanoj dana \_\_\_\_\_, donosi:

## ZAKLJUČAK

### I

Prihvata se Program rada Zavoda zdravstvenog osiguranja Unsko-sanskog kantona za 2018.godinu broj: 01-37-8071/17 od 26.10.2017.godine.

### II

Ovaj Zaključak stupa na snagu danom donošenja i objavit će se u „Službenom glasniku Unsko-sanskog kantona“.

Broj: \_\_\_\_\_

Bihać, \_\_\_\_\_

Predsjedavajući Skupštine  
Unsko-sanskog kantona  
Nijaz Hušić, profesor